

## Perquè lé jouèi di minà tsandzon color aprì qué soun na ?

Y è l'*iris* qué doun-e la color i jouèi. Soun lé mélanosite dé l'*iris* (lé sellule coloraye) qué produison in pigmàn colorà qué y a noun *melanina*. Y è lo mimo pigmàn qué doun-e la color a la pi é i pèi.

Can y è moui dé mélanosite l'*iris* pren la color pieu teuppa ; ou contrére, can y è pa dé mélanosite l'*iris* y è grize bleuva, comèn la color di sellule dé l'*iris* in trasparénse.

In piquiò ten dé mélanosite doun-e na color dzana qué, in sé mehquién avó lo bleu, oteun lé gradachón dou ver tanque ou marròn.

Can lé minà nîson chovèn y an lé jouèi bleu perquè la lor *iris* y a pa dé seutte sellule. Quicca pé cou lé mélanosite produison lé lor pigmàn é l'*iris* tsandze color.

La color dzeuhta di jouèi y è malén a endévin-ì quinta sarat. Sé lo minà y a dza lé jouèi teup y è bén lén qué réhtison scur. Sé ou contrére la color di jouèi y è quiéra, dudeun lé primì mis dé via seutta, quicca pé cou, poui vigni pieu teuppa.

Aprì lé chouì mis ou l'an la color tsandze pamì ; capite bén dé cou qué cahque piquioudé variachón dé color pouiyon sorte foura dudeun lé prémì do an dé via.



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Tiré de :

[www.cybersciences.com](http://www.cybersciences.com), écrit par Philippe Chartier

Texte publié en 2008 sur « Champdepraz-Tsandeprà informa » - Commune de Champdepraz

Collaborateur de Champdepraz pour la traduction : Silvana Berger

La transcription a été soignée par le Guichet Linguistique

Mise à jour de la graphie : octobre 2013